

ZACARIAS 12-13

REVIEW...

- **Zacarias** – ang ila 38 nga libro sang Old Testament – ang ika 11 sang ginakilala nga 12 Minor Prophets
 - o Sang 520 B.C. – sa ikaduwa nga tuig ni Haring Darius the Great sang Medo-Persian Empire...
 - o Nagbayaw ang Dios sang 2 ka propeta - Haggai / Zacarias (*nadumduman*) - para magtukod liwat sang Templo!
- **Ang libro sang Zacarias natunga sa lima ka bahin**
 - o **Zacarias 1:1-6** - Ang una nga pagtaga natabo 2 ka bulan matapos umpisahan ang pagtukod liwat sang Templo...
 - o **Zacarias 1:7-6:15** - Sa ika 11 nga bulan sang ikaduwa nga tuig ni Haring Darius - may sunod-sunod nga mga palanan-awon...
 - o **Zacarias 7-8** - sa ika 4 nga tuig ni Darius - ang pamangkot kag sabat sang Ginoo tuhoy sa pag-puasa
- **Zacarias 9-11** – Ang una nga Kabug-atan – ang una nga Pagkari ni Jesu Kristo
 - o Nakit-an sang propeta ang pagbihag ni Alexander the Great – pero wala masakop ang Israel...
 - Pagkatapos sina ang mesias magakari nga nagasakay sa tinday – matarong Siya kag may dala nga Kaluwasan!
 - Igasikway Siya sang Israel – mga priso sang paglaum– pero indi pa tapos ang Dios sa Israel!
 - Maapla-ag sila sa mga nasyon – apang pabalikon sila liwat sang Dios sa ikaduwa nga Exodo!
 - o Sa tunga sang duwa ka hitabo – ang pagkari ni Jesus – kag ang pagtukod liwat sang Israel...
 - PWERTE ka lisod nga tion para sa mga Judio – nagumpisa sa pag-guba sang Templo
 - Kag sa ulihi nagatapos sa pagbaton kag paghakos nila sang waay pulos nga manugbantay - ang Anticristo...
 - Ini nagadala sa aton sa ika 2 duwa kag pinal nga kabug-atan kay Zacharias!

ANG IKADUWA NGA KABUG-ATAN... (4 KA BUTANG)

- **1st – ANG SALANDARAN NGA BATO... VS. 1-8**
 - o 1st – Ang pabug-at sang Pulong sang Dios tuhoy sa Israel... vs. 1
 - Ang una nga pabug-at natapos kag ginbutang ang Israel sa delikado nga kahimtangan – nagahakos sa Anticristo...
 - Kabalo kita nga luwason sang Dios ang Israel – **Zacarias 10:6-7** - pero Paano!
 - Antes sabton sang Dios ang PAANO – Iya una nga pamatud-an NGA maluwas Niya ang Israel!
 - Ang Dios nga nagtuga sang langit / nagplastar sang pundasyon sang duta...
 - Amo man ang naghatag sang espiritu sang tawo – kon masarangan Niya ubrahon ina tanan – masarangan Niya man iluwas ang Israell!
 - Nagasaad ang Dios nga maghimuno / magpa-ayo / kag magluwas sa aton halin sa mga pagtilaw ...
 - Ginahatagan kita sang Dios sang makahayanghag nga mga saad – pero mahimo nga mabudlayan gid kita nga magpati nga Iya ini ipaluntad...
 - Sa sina nga mga tion maayo gid nga magbinagbinag kita sa mga NAHIMO na sang Dios....
 - Siya nga nagtuga sang Kalangitan / nagplastar sang mga pundasyon / nagtuga sang aton Espirito...
 - Kon Iya nga maubra ina tanan – wala sang imposible para sa Iya!
 - o 2nd – Ang Jerusalem mangin isa ka kupa sang kahulugbon... vs. 2-3
 - Ang tanan nga mga nagapalibot nga mga nasyon maga-likop sa Judah and Jerusalem...
 - Sa tion nga gin deklarar ang Israel nga mangin isa ka Nasyon liwat sang Mayo 14 – 1948...

- Ginpalibutan sila sang mga kaaway - nalikopan sila!
- Gilayon gid sila nga gin-atake sang Syria / Jordan / Lebanon / kag Egypt...
- Nakalampuwas ang Israel asta matapos ang gyera bisan pwerte kabudlay – apang nasakop gid sang mga Arabo ang Jerusalem!
- Kag nangin salandaran na nga bato ang Israel para sa TANAN nga nasyon...
 - Halin 1967 asta 1989 ang UN Security Council nagpasar sang 88 ka resolutions nga nagamulay sa Israel...
 - Sina man nga tion ang UN General Assembly nagpasar sang 429 resolutions batok sa Israel!
 - Ang UN Human Rights Commission nagkondenar sa Israel sang mas madamo nga bes kon ikumpara sa iban nga mga nasyon!
 - May ara sang isa ka UN Division nga nadedikar sa isa lang gid ka grupo sang mga tawo – ang mga Palestino!
 - Ang isa lang gid ka UN day nga ginadedikar para sa isa ka espesipiko nga grupo amo ang November 29 – para sa mga Palestino!
 - Isa lang gid ka refugee agency nga ginadedikar sa espisipiko nga mga tawo: UNRWA - para sa mga Palestinian Refugees!
 - Sang December 26 - 2016 bisan ang US nagtugot sang resolution 2334 nga nagkondenar sang Israel!
- Ang kahalam-utan, wala man sang butang nga ginatawag nga Palestinians!
 - Ang Roman Empire ginhingadlan liwat ang Judah nga – Palestine – pagkatapos sang pagrebelde sang mga Judio sang 132 AD...
 - Kag ang tinaga nga Palestinian nagatuhoy sa mga Judio!
 - Asta nga sang 1967 nga si Yasser Arafat nag-umpisa panugid sang binutig nahanungod sa mga ‘displaced Palestinian people’...
 - Manugid sang butig nga matunog / kag liwat-liwat – ang mga tawo masugod na pati!
 - Sa matuod lang ang mga ‘Palestinians’ kalabanan mga Arabs kag Jordanians nga nalagyo sa Israel sang 1948...
 - Nangin mga refugee sila sa Arab controlled nga mga DUTA – asta sang 1967 nga napanubli ang mga ini sang Israel!
 - Kag ini nagbutang sang Israel sa alang-alang nga ginamos – ang mga nasyon nga Arabo indi na magbaton sang mga refugees...
 - Indi man sila mabaton sang Israel – tungod mas madamo pa sila kaysa mga Judio – ila nga mapierde ang mga Judio sa botohay...
 - Kag ang mga ‘Palestinians’ indi man gusto sang ila kaugalingon nga nasyon – tungod ang Israel man ang nagabayad sang tanan!
- Ano nga solusyon ang ginahalad sang kalibutan para sa kalinong sa Middle East...
 - Duta para sa Kalinong - ibalik ang iban nga duta - galing ang problema indi parte sa duta...
 - Kon ang Middle East isa ka football field – ang Israel 12 sq. inches lang – indi ini parte sa duta!
 - Gintulawan sang Israel maghatag duta para sa kalinong – Gaza Strip – ang resulta, gindominar sang Hamas!
 - Naham-ot gid ako sa mga madamo nga debate / mga ideya kon paano magbalik sang kalinong sa Israel...
 - Indi gid maglinong ang Israel – mangin salandaran gid sila asta mag-abot na ang mesias!
 - Amo ina nga kon mangamuyo kita para sa kalinong sang Jerusalem – nagapangamuyo kita para sa pagbalik ni Jesus!

- **Salmo 122:6** – “Magpangamuyo kamo para sa maayo nga kahimtangan sang Jerusalem paagi sa pagsiling,
“Kabay pa nga ang nagahigugma sa sini nga siyudad magmainuswagon.”
- o 4th – Pag-agaw balik sang Duta... vs. 4-8
 - Sa ina nga Adlaw – Ang Dios ma-away para sa Israel...
 - Patalangon sang Dios ang tanan nga mga kabayo – kag ang mga nagasakay mabuang...
 - Ag mga nagapamuno sa Judah masiling sa ila tagipusuon – nakit-an na naton ang aton nga kusog sa Ginoo!
 - Ang mga nagapamuno sang Judah, ila nga panglamunon ang mga nasyon sa ila nga palibot nga daw kalayo...
 - Ang pinakamaluya sa ila mangin kaangay ni David – ang mga halin sa linya ni David mangin kaangay sang Dios!
 - Ila liwat nga sakopon ang Judah (1948) anay – kag ang Jerusalem (1967)!
 - Sang 1967 – ang 6-ka adlaw nga gyera – liwat nga nasakop sang Israel tanan nga duta halin sa Sinai asta sa Golan!
 - Kalakip na ang siudad sang Jerusalem – nga sa liwat nangin kapital sang Israel!
 - 5 ka nagalusob nga mga nasyon sang mga Arabo mahapos gid tani nga makapyerde sang Israel sa padamo-ay pa lang sang tangke kag mga armas...
 - Apang may isa ka istorya nga ang mga punong sang mga buyog - nagsulod sa mga tangke sang Egypt...
 - Napilitan sila nga mag guha sa ila nga mga tangke kag mahapos na lang nga naagaw sang mga suldado sang Israel!
 - Igo-a lang ang mga kahoy...
 - May isa pa gid ka manami nga istorya tuhay sa isa ka Israelinhon nga espiya nga ara sa Syrian Army...
 - Mala nga desyerto ang Golan Heights – sobra ka-init kag wala sang mapasilongan...
 - Ang espiya nagbisita kag nagkombinse sa Syria nga magtanom sang mga mahandong nga mga kahoy sa ila nga mga pamakod...
 - Iya dayon nga ginhambalan ang Israel nga kon maglusob na sila – puntariyahon lang nila ang mga kahoy!
 - Sa mga katapusan nga mga inadlaw sang gyera...
 - Gusto sakopon sang Israel ang Golan Heights – pero ang Syria naga-ayo na sang kalinong...
 - Para pakalainon nila ang Israel sa mga balita – Nagpahayag ang Syria nga nakasulod na ang Israel sa Damascus – binutig ini...
 - Apang nabatian sang mga tropa nga Syrian ang balita – kag nagpalalagyo sila kag ginbilin ang ila nga mga tangke sa Golan Heights!
 - Hapos na lang nga naglakat ang Israel kag – ginsakop ang bug-os nga Golan sa isa lang ka adlaw!
 - **Roma 8:31** - “Karon, kon hunahunaon ta ini nga mga butang, makasiling kita nga ang Dios nagaapin gid sa aton, kag wala sing may makahalit sa aton!”
 - Kon ang Dios ang nagapakig-away para sa aton - sin-o ang makatindog batok sa aton!
 - Samtang nagatuon kita nga magsalig sa Ginoo - bug-os gid nga ginapasalig kita sang aton kadalag-an!
 - Kasalanan / satanas / ang kalibutan wala gid sang ibato - ang Dios ang malutos sa ila tanan!
- o 5th - Ang dinalan nga ‘sa sina nga adlaw’ makit-an 17 gid ka beses sa ikaduwa nga pagpabug-at ni Zacarias...
 - Ano nga ADLAW ang aton nga gina-istoryahan– ANG ADLAW sang Ginoo - ang pagbalik ni Jesu Cristo...

- **Lucas 21:29-32** - naghatag si Jesus sang parabola tuhoy sa kahoy nga Figera nga nagapamulak – nagakabuhi liwat!
- Sa Bibliya ang kahoy nga Figera isa ka larawan sang nasyon sang Israel – **Marcos 11:13**
- Antes magsaka ang Anticristo – kag maghimo sang kasugtanan nga itukod liwat ang Templo – **Daniel 9:26**
- Antes sang 7 ka tuig sang Kapipit-an nga magasunod / nga matapos sa pagbalik ni Jesu Cristo!
- Dapat anay nga mabun-ag liwat ang Israel - dapat nga magbalik sa idalom sang pagdumala sang Israel ang Jerusalem!
- Makit-an naton nga nagapamulak ang Israel – ina nga adlaw subong na – nagakahulugan nga malapit na ang katapusan!
 - **Aton nga makit-an nga naluntad ang ini nga mga hitabo – apang madali kita nga malumos sa mga kabalak-an sang aton kabuhi...**
 - **Kinahanglan naton nga iplatar liwat ang aton nga mga prayoridad – dumdumon nga makari na si Jesus - Lucas 21:28**

▪ **2ND – MAGTULOK SA IYA... vs. 9-14**

o **1st – Ibubo ang Espirito sang Grasya... vs. 9-10**

- Sa ina nga adlaw pangitaon kag pagalaglagon sang Ginoo ang tanan nga mga nasyon nga nagpamatok sa Jerusalem...
 - Kag sa katapusan sang 7 ka tuig sang Kapipit-an...
 - Tiponon sang Anticristo ang iya mga kasuldadohan sa Kapatagan sang Megiddo - **Pahayag 19:11-21**
 - Kag halin sa Langit, magakari si Jesus nga nagasakay sa puti nga kabayo – Hari sang mga Hari / Ginoo sang nga Ginoo...
 - Sa isa lang ka tinaga pagalutoson Niya ang Anticristo kag ang iya kasuldadohan – **2 Tesalonica 2:8!**
 - Kag ibubo sang Dios ang Espirito sang Grasya sa panimalay ni David / Jerusalem...
 - Kag magatulok ang Israel sa 'AKON nga ila ginbuno' – kag magalalaw!
- Una nga pamangkot – sin-o ang ginbuno (*dakar*)sang Israel – pirme nagakahulugan nga pisikal nga ginbuno...
 - Sa konteksto ang nagahambal'AKO' amo ang GINOO (YHVH) – **Zacarias 12:1**
 - Sang san-o ginbuno sang Israel ang Dios – syempre ang sabat sa krus!
 - May ara man 2 ka misteryoso nga letra sa tupad sang tinaga nga 'AKO' – Aleph kag Tau...
 - Indi ina tinaga – amo nga wala ginbadbad – pero ara ina sa Hebreo...
 - Ang Aleph kag Tau amo ang mga una kag ulihi nga mga letra sang alpabeto sang Hebreo!
 - Gani pwede basahon nga magatulok sila sa 'Nauna kag Katapusan' okon 'Alpha kag Omega'!
 - **Pahayag 1:8** – “**Ang Ginoong Dios ang makagagahom sa tanan. Kon ano siya subong, amo siya sang una, kag sa palaabuton. Gani nagsiling siya, “Ako ang Alpha kag ang Omega.”**
 - Isa ka makatilingala nga dinalan nga nagapat-od nga si Jesus amo ang Mesias / kag GINOO - Dios nga Makagagahom!
- Ikaduha nga Pamangkot – ngaa malalaw ang Israel kon makit-an nila si Jesus...
 - Indi lang lalaw – Kundi malalaw nga daw ginikanan nga nadulaan sang NAGA-ISAHANON NGA ANAK / ila nga KAMAGULANGAN NGA ANAK NGA LALAKI...
 - Ang kamagulangan nagapatuhoy sa palanublion – pagbaton sang bugay!
 - Nagahunahuna ang mga Judio nga tungod sila ang GINPILI nga mga katawhan – sigurado na sila sa langit...

- Nagapati na gid sila nga sila maayo kag husto ang moralidad – takus nga makabaton sang bugay...
- Asta nga na-atubang nila si Jesu Cristo – dayon nga natunaw na ang ila nga pagkamaayo!
- **Madali naton mapapati ang aton kaugalingon nga OK lang kita – maayo kag moral nga mga tawo...**
- **Asta nga maatubang na naton si Jesus – Kag aton makita kon paano ka miserable ang aton kahimtangan!**

o 2nd - Madako nga Paglalaw... vs. 11-14

- May maluntad nga madako nga paglalaw sa nasyon...
 - Sa ina nga adlaw, madako ang paglalaw sa Jerusalem...
 - Kaangay sa paglalaw sa Hadad Rimmon sa kapatagan sang Megiddo...
 - Nagapatuhoy sa kon paano ang Israel naglalaw sa pagkadula ni Haring Josiah – **2 Cronica 25:34-35**
 - Bangod Diosnon siya nga Hari – ini nga adlaw nangin adlaw sang paglalaw sang nasyon!
 - Kay ginaistoryahan ang pagsag-uli sang nasyon - ang BUG-OS nga Israel maga-tanda sang adlaw nga napatay si Jesus para sa ila!
- May mga paglalaw sa kada isa ka indibidwal...
 - Tanan nga pamilya malalaw – halin sa mga madako asta sa mga kubos...
 - Halin sa panimalay ni David (*Hari*) asta sa panimalay ni Nathan – ang kamanghuran nga anak ni Haring David...
 - Halin sa panimalay ni Levi (*priest*) asta sa panimalay ni Shimei – ang apo ni Levi...
 - Tungod ang pagsag-uli indi lang mangin sa nasyon lang – kundi sa kada indibidwal man!
 - **May mga nagasiling nga wala na sang rason nga lab-oton ang Israel – kadto ka sa kon diin maayo ang hulik...**
 - **Nabulagan na sila kay ila nga ginsikway si Jesu Cristo – Roma 11:7-10**
 - **Apang kon aton paga-istoryahan ang Israel aton nga pakig-angotan ang Israel bilang nasyon kag bilang mga indibidwal...**
 - **Indi tanan nga mga Judio nabulag – indi lang gid nila pagbatonon si Jesus bilang isa ka Nasyon asta sa pagbalik Niya...**
 - **May mga Judio nga naluwas sa pagsugod pa lang sang simbahan – ang mga apostoles puro mga Judio!**
 - **Roma 11:25 – “Ang pagpatig-a sang mga Judio umalagi lang kag hasta gid lang sa tion nga makompleto na ang mga indi Judio nga dapat magtuo sa iya.”**

▪ 3rd – ANG TUBURAN NAG-ABRI... vs. 1-6

o 1st – Ang Remedyo -para sa sala kag pagkadi-matinlo... vs. 1

- Sa sina nga adlaw ang tuburan ma-abri – para kuha-on ang sala sang Israel...
- Indi man nga wal sang tuburan sadto – waay lang gid sang may gusto nga mag kadto!
- Kinanglan nga maglalaw para sa ila mga sala – para nga ara sa ila kabubut-on nga mag baton sang pagpatawad!
- Kon si Jesus maabot sa ika 2 nga tion – TANAN nga Israel maluwas – **Roma 11:26**
- **Kon may tableta nga ipatumar sa imo para ma luwas ang imo kabuhi – maduhaduha ka pa siguro...**
- **Apang kon hambalan ka nga na hiloan ka – kag ang tableta pangontra sa hilo – sigurado nga inumon mo!**
- **Isa ka mabudlay nga parte sa pag sugid sang Maayong Balital – amo ang mapakita sa tawo nga ini kinahanglanon gid...**
- **Ang mga tawo naga hunahuna nga maayo sila – nga batunon sila sang Dios sa langit...**

- Amo na kon ngaa kinanglan malain nga balita anay – ipakita sa tawo kon ano kita ka MALA-OT...
 - Kay kon aton ma realisar nga indi kita maayo – naga bukas sang ganhaan nga aton makita nga kinahanglan naton si Jesus!
- o 2nd – Pagkaputli sang katawhan... vs. 2-6
- Si Jesus ang ma-una – antes ang IBAN...
 - Sadtong adlaw – ang mga tawo indi gani madumduman ang ngalan sang mga dios-dios...
 - Ang tanan nga sayop nga propeta kag mahigko nga espiritu tabogon halin sa ila Duta...
 - Kon may ara nga mag hatag sang sayop nga propesiya – ang ila ginikanan ang mahambal sa ila ...
 - Bangod naga binutig sila sa ngalan sang Ginoo – Ang ila Amay kag Iloy ang mapatay sa ila...
 - Pagtuman sa kasuguan sang Ginoo – **Deuteronomio 13:6-9**
 - Kon mag tilaw kita sa pag alagad kag magpahamu-ot sa aton pamilya - kag mag alagad kag magpahamuot sa Ginoo...
 - Sa katapusan mangin magamo kon sa diin ang aton pag-unong...
 - Sa katapusan magaluya kag magapili kita Ini okon Ina ...
 - Sa pagsunod kay Jesus nagakahulugan nga Unahon Siya antes ang IBAN – **Lucas 14:26**
 - Ang tawo mahadlukan kon indi mag sunod kay Jesus...
 - Sina nga mga inadlaw – ang sayop nga propeta mahuya sang ila mga palananawon...
 - Ila kuhaon ang ila magaras nga roba – panapton sang mga propeta...
 - Pinsara bala si Juan Bautista sulob ang mabalahibo nga panapton nga halin sa kamelyo – **Marcos 1:6**
 - Ang panapton nga naga daya sa mga tawo – naga panghaylo nga sila tawo sang Dios!
 - Nahadlok tungod sang konsekwensia nga mabulgar nga sila sayop nga propeta...
 - Magapahayag sila – Indi ako propeta – Isa ako ka mangunguma halin sang pamatan-on ako!
 - Ari kita sa nasyon nga ang indi masikmura ginabaton na...
 - Ang tawo makahambal sang gusto nila –kag naga alibi nga may kahilwayan sa paghambal...
 - Apang kon ang kabayaran sang sala mabug-at – nagapabakod sa tawo nga indi mag himo sang sala!
 - **Hulubaton 3:11** – “Anak, indi pagpakalaina ang pagdisiplina sang Ginoo sa imo....”
 - Sang ginpamangkot siya parte sa pilas sa iya butkon...
 - Siya masabat – amo ini ang akon pilas nga nabaton sa balay sang akon abyan...
 - Sa konteksto nga naga patuhoy sa sayop nga propeta – nga nagabuhat sang marka sang ila palangitan-an...
 - Pareho sa propeta ni Baal nga ginapilas nila ang ila kaugalingon sang pag atubang nila kay Elias – **I Hari 18:28**
 - Apang ang ini nga mga propeta magabinutig sang ila mga marka – ginabasol nila sa ila nga pagpanguma!
 - Masami nga ginasambit pagpatuhoy kay Jesu- Cristo – nga nakuha ang pilas sa balay sang iya abyan!
 - Laban nga sayop sa pag interpretar halin sa pagkuha sang verse nga ara sa guwa sang KONTEKSTO...
 - Dapat nga mag interpretar kita sang verse ukon sang dinalan suno sa mga nagapalibot nga verse...
 - Hangpon ang verse nga ara sa konteksto sang iban nga mga tupad nga verse antes kag madason...
 - Ang konteksto nga ara sa chapter /ara mismo sa libro / ara sa kabilugan nga Bibliya!

- **4TH – GINPINO SANG KALAYO... vs. 7-9**
 - o **1st – Ginlampusan ang Manugbantay... vs. 7**
 - Ipreparar ang espada batok sa Akon Manugbantay/ Akon nga Kaupod...
 - Sino ini ang Manugbantay /kaupod sang GINOO –Jesu Cristo
 - Sang si Jesus gin buno sang espada – isa ini ka kapital nga pagsilot – sa krus...
 - Kag sang pag patay sang manugbantay - ang mga karnero nag aplaag ...
 - Rekta nga gin kutlo ni Jesus sa Hardin sang Getsemane - **Mateo 26:31**
 - Ginatagna kon paano ang disipulo mag aplaag sa pag lansang sa Iya!
 - Kag magaliso ang akon kamot batok sa mga magagmay...
 - Mahimo nga indi ini pinaka maayo nga kahulugan –mas maayo nga ihambal nag liso pakadto sa Iya mga magagmay...
 - Wala nagliso si Jesus batok sa iya mga magagmay nga karnero tapos ang paglansang – nagkari siya sa pag bulig sa ila!
 - **Mateo 26:32-** “ **Pero sa tapos nga mabanhaw ako, mauna ako sa inyo didto sa Galilea.**”
 - o **2nd – 1/3 lang ang maluwas... vs. 8-9**
 - Sa sini nga paagi ang Dios maliso pakadto sa Iya mga magagmay nga bata pagkatapos sang Iya nga Ika duha nga pag kari...
 - Apang indi tanan madala – duha sa tatlo ka bahin sang Israel ang mapatay sa Kapipit-an...
 - Kon ang Anticristo mag tindog sa Pinakabalaan sa tanan – maginual na ang impyerno...
 - Marealisar sang Judio ang ila kasaypanan – kag isikway nila siya – ini ang mapaibwal sang iya kasingkal...
 - Gin paandaman sila ni Jesus nga indi sila magbalik sa ila balay – dapat nga mag dalagan lang sila – **Mateo 24:15-16**
 - Kay si satanas / Anticristo pangitaon niya agod lamunon ang mga Judio –**Pahayag 12:13**
 - Apang ang Dios taguon niya ang nagkalabilin sang iya Katawhan sa 3 ½ ka tuig sa Bozrah / Petra – **Isaias 63:1**
 - Maagi sila sa KALAYO – pinuhon pareho sang pilak / tilawan pareho sing bulawan...
 - Sila mangin Iya nga mga katawhan kag Siya mangin ila nga Dios!
 - Ang pilak nagapuro paagi sa tuman nga kainit sang kalayo
 - Ang kalayo nagapaguha sang higko sang pilak agod nga makuha ini
 - Ang panday nakabalo nga puro na ang pilak kon iya na makita ang kaugalingon niya nga banaag sa pilak...
 - Indi gid manami ang kabudlayan– apang ina tanan may tinutuyo – kag kinanglan nga magpailob - **James 1:2-3**
 - Bangod paagi sa pagtilaw ginapakita sang Dios ang aton tagipusoon ...
 - Ginagamit Niya ini sa pag pakita sang sala sa aton kabuhi - para Iya nga matinluan ini!
 - Ginbutang kita ni Jesus sa kalayo agod nga maguwa ang higko sa aton kabuhi (*sala*)...
 - Nakahibalo Siya kon tapos na kita – kay makita Niya ang Iya dagway nagabanaag sa aton nga kabuhi!